

Tema 1: Cuhva cha quetuvi andvi ta ñuhun ñuñivi

Nu vachi chi [Base]: Genesis cap. 1 y 2

Texto: Genesis 1:1 Nda ni cha xihna cuii nu ni quichi tiempu saquetuvi ra Ndioo ndihi andivi ta ndihi ñuhun ñuñivi.

Cha cuni yo cha na cua coto ve cuati [Propósito]: Na cua coto ve cuati yoo ni savaha andivi ta ñuhun ñuñivi chi ndihi cha iyo. [Que los niño sepan quien creó la tierra y todo lo que hay.]

Yaa cha cua cata tiñu [Canto]: Día domingo aquí estaré

Día domingo aquí esteré,

en la casa de mi Dios,

donde siempre aprenderé,

el amor de mi Jesús,

tu no debes de faltar pues aquí te esperaré...

pues yo quiero saludarte, en la escuela dominical,

pues yo quiero saludarte, en la escuela dominical.

1.- Cuhva caa ñuhun ñuñivi xihna ca [Como era el universo] Genesis cap. 1:1-2

Nda ni cha xihna cuii nu ni quichi tiempu saquetuvi ra Ndioo ndihi andivi ta ndihi ñuhun ñuñivi. Ta nu ñuhun ñuñivi can ñahni cha iyo, ta cha naan ni iyo nuu chi. Ta chico ra Tati Ndioo nu iyo nduta cahnu.

2.-Cha savaha ra Ndioo iin iin quivi [Lo que hizo Dios cada día]:

Quivi 1: Genesis 1: 3-5

Tacan, ta cati ra Ndioo ti: “Na cua ndundichin.” Ta ni ndundichin. Ta ni ndehe ra Ndioo cha vaha cha ndichin can, ta savaha ra cha siin chiyo ndoo nu ndichin, ta siin chiyo ndoo nu naan. Ta cati ra Ndioo ti: Nu ndichin can cua cuu “chinucahni”, ta nu naan can cua cuu “chacuaa”, cati ra. Ndihi tiñu can ni savaha ra quivi xihna cuii.

Quivi 2: Genesis 1: 6-8

Ta cati ndico ra Ndioo ti: “Na cua ndoo nuna sava mahñu nduta can, ta na cua quee siin chi iin chiyo ta inga chiyo”, cati ra. Tacan cuu chi. Ta savaha ra cha ndoo nuna mahñu nduta can. Sava chi ndoo iti xuu, ta sava chi ndoo iti siqui. Tacan ni cuu chi. Ta nu ndoo nuna can sacunani ra “andivi”.

Quivi 3: Genesis 1: 9-11

Ta cati ndico tucu ra Ndioo ti: “Na nduiin nduta cha ndoo iti xuu iin chiyo, ta na ndoo nuna nu cuu chi ñuhun iti”, cati ra. Tacan cuu chi. Ta nu iti can sacunani ra Ndioo “ñuhun”, ta nu nduiin nduta can sacunani ra “tañuhun”.

Ta ndehe ra Ndioo ti vaha xaan chi. Ta cati ndico ra ti: “Na cana ndihi nuu cuhu, ta na cua satata chi. Ta na cua cana ndihi nuu yutun cha cua coo chiti, ta siin siin tata chi cua coo, ta na cua cana chi nu ñuhun ñuñivi”, cati ra. Tacan cuu chi. Ni cana ndihi nuu cuhu cuhva iin iin tata chi, ta cana ndihi nuu yutun cha chaha yucu vixin, ta cua coo yava chi cuhva iin iin tata chi. Ta ndehe ra Ndioo ti vaha ndihi cha ni savaha ra.

Quivi 4: Genesis 1:14-19

Ta cati tucu ra Ndioo ti: “Na cua coo cha cua cuhva cha ndichin iti siqui andivi, ta na cua ndusiin iin ri cha chinucahni, ta na cua ndusiin inga ri chacuaa. Ta na cuhva ri seña tiempu cahni ta tiempu savi ndaa quivi ta ndaa cuiya cuu chi. Ta na cua coo cha cua sandundichin iti siqui andivi, vati cua cuhva ri cha ndichin nu ñuhun ñuñivi ya”, cati ra.

Tacan ni cuu chi. Ta savaha ra Ndioo uvi tahan ri cha cua sandundichin, iin ri cha ndichin ri chinucahni ta inga ri cha ndichin cha chacuaa. Ta savaha tahan ra ndihi ri tiñu ndichin. Ta tiso tahan ra chi ri iti siqui andivi, vati cua sandundichin ri nu ñuhun ñuñivi ya chinucahni ta chacuaa, ta tacan ndusiin cha ndichin chi cha naan. Ta ndehe ra Ndioo ti vaha chi.

Quivi 5 Genesis 1:20-23

Ta cati ndico tucu ra Ndioo ti: “Na quetuvi ndihi nuu ri quiti cuhu cha cua coo tichi nduta, ta na quetuvi ndihi ri saa cha cua tati iti siqui andivi”, cati ra.

Tacan cuu chi. Tacan ni savaha ra ndihi quiti cuhu nahnu xaan cha iyo tichi nduta tañuhun, ta ni savaha ra ndihi nuu ri cha quetuvi ri ta ri tichi nduta can, ta quetuvi ndihi nuu ri saa cha tati iti siqui. Ta iin iin tata ri cuhva cha cua cuina ri ta ri ni savaha ra.

Ta ndehe ra Ndioo ti vaha xaan cha ni savaha ra. Ta sacu-ii ra chi ndihi rican, ta cati ra ti: “Cuina ndo, ta nducuaha ndo, ta na cua coo ndo niniin cahnu tichi nduta tañuhun, ta na cua nducuaha ndihi ri saa cha iyo niniin cahnu nu ñuhun”, cati ra. Ndihi tiñu can savaha ra quivi uhun can.

Quivi 6: Genesis 1:24-31

Ta cati ndico ra Ndioo ti: “Na quetuvi ndihi nuu ri quiti cuhu cha ndito nu ñuhun ñuñivi cuhva cha iyo tata ri, ta na quetuvi ndihi ri quiti cuhu cua cuu sana ñivi, ta na quetuvi ndihi ri chica chi tichi, ta na quetuvi ndihi ri iyo tichi cuhu iin iin tata ri”, cati ra. Tacan ni cuu chi.

Ta cati ndico ra Ndioo ti: “Cua savaha yo iin ñivi cuhva iyo maa yo, ta cua cundaca ñahan ñi chi ndihi ri quitu cuhu nu ñuhun chi ndihi ri tiaca iyo tichi nduta. Cua cundaca ñahan ñi chi ndihi ri saa cha tati iti siqui, ta cua cundaca ñahan ñi chi ndihi ri quitu cuhu cha cuu sana ñivi ta ndihi ri chica chi tichi nu ñuhun ñuñivi”, cati ra.

Tacan, ta ni savaha ra Ndioo chi ñivi can. Cuhva iyo maa ra ni savaha ra ñivi can, rai ta ñahan ni savaha ra.

Ta sacu-ii ra Ndioo chi ñivi can, ta cati ra ti: “Na cua coo tuvi xaan sehe ndo, ta na cua ndutuvi ndo, ta na cua ndoo sehe ndo nu ñuhun ñuñivi, ta cua cundaca ñahan ndo chi ndihi cha iyo nu ñuhun ya”, cati ra Ndioo.

Ta cati ndico ra Ndioo ti: “Ihya chahi ndihi yutun tata cha cua cuhva chi chiti chi ihya nu ñuhun ya, ta chahi ndihi yutun cha chaha yucu vixin, vati cua cuu cachi ndo chi. ³⁰Ta chahi ndihi yucu vaha chi ndihi ri quitu cuhu cha iyo nu ñuhun ñuñivi chi ndihi ri saa cha iyo iti siqui chi ndihi ri quitu cuhu cha chica chi tichi nu ñuhun ñuñivi ya, ta chahi ndihi yucu vaha cha cua cuu cachi ri ta ri”, cati ra. Ta tacan ni cuu chi.

Quivi 7: Genesis 2: 1-3

Cuhva can ndihi savaha ra Ndioo iti siqui andivi chi ñuhun ñuñivi chi ndihi cha iyo nuu chi. Ndihi chi ni savaha ra Ndioo quivi ucha can. Queta tiñu ni savaha ra, ta chacunda tatu ra. Ta sacu-ii ra Ndioo quivi ucha can, ta cuu chi iin quivi cha cuu cuenda maa ra, vati quivi can chacunda tatu ra cuenda ndihi tiñu cha ni savaha ra.

Conclusión: Ta chacan iyo chi cua quichi yo veñuhun ndihi domingu vati quivi maa ra Ndioo cuu chi. Iyo chi cha cua nacoo nuu yo ndihi cha ndacu yo ta cua quichi yo veñuhun.

Texto a memorizar Genesis Cap. 2:3: Ta sacu-ii ra Ndioo quivi ucha can, ta cuu chi iin quivi cha cuu cuenda maa ra, vati quivi can chacunda tatu ra cuenda ndihi tiñu cha ni savaha ra.

Preguntas:

1.-¿Ñaan cuhva caa nu ñuhun ñuñivi xihna ca? R= Ñahni cha iyo mani cha naan iyo. Ta chico ra Tati Ndioo nu iyo nduta cahnu.

2.-Ñaan quivi savaha ra Ndioo cha nduiin nduta cha ndoo iti xuu iin chiyo, ta na ndoo nuna nu cuu chi ñuhun iti? R= Quivi 3

3.-Ñaan savaha ra Ndioo quivi 6? R= Iin ñivi cuhva iyo maa ra.

4.- Ñaan quivi cha cunda tatu ra Ndioo? R= Quivi 7

5.- Ñaan ni quitu cuhu savaha ra Ndioo? R= Ndihi nuu ri quitu cuhu cha cua coo tichi nduta chi ndihi ri saa cha cua tati iti siqui andivi chi ndihi quitu cuhu nahnu xaan cha iyo tichi nduta tañuhun, ta ni savaha tahan ra ndihi nuu ri cha quetuvi ri ta ri tichi nduta can, ta quetuvi ndihi nuu ri saa cha tati iti siqui.

Dibujo:

